



Elgoibar BERDEA

DEKALOGOA



ELGOIBAR BERDEA Elgoibarko Udalak prestatu duen ekintza programa da, 2010 urtean zehar, ohitura berriak eta iraunkorragoak bultzatzeko abian jarriko dena, gure bizilagunen, gure herriaren eta gure inguruaren ongizatea bultzatzeko.



Gipuzkoako Foru Aldundia
Diputazio Foral de Gipuzkoa

Ustezko Informatikaren Departamentua
Departamento para el Desarrollo Tecnológico



ELGOIBARKO UDALA

elgoibar
biZi-biZiXa!

1- IRAUNKORTASUNA SUSTA EZAZU

ELGOIBAR BERDEA (2010) :


Udalak, Tokiko Agenda 21 delakoaren bitartez, lanean dihardu urteetan zehar Elgoibar herri iraunkorra izan dadin. Ildo horretatik, aurtan, ELGOIBAR BERDEA izeneko programa berezia jarriko du abian.

Elgoibartar guztien lankidetzaz aktiboari esker, Udalak hainbat ekintza bideratuko ditu, 2010 urtean zehar: hala nola, olio jasotzeko edukinontziak jartzeko, konposta egiteko proiektu pilotuak bideratzea, udalerriko baserrietan energia berriztagarriak instalatzeko aukerak baloratzeko eta energiaren eraginkortasunari buruzko azterketak egitea.

ELGOIBAR BERDEA programaren xedea ondorengoa da: gure ekologiaren, ekonomiaren eta gure herrian izango diren belaunaldi berrien mesedetan, bizitzeko ohitura berriak eskuratzea.

Gogoan izan hiru gako hauek: hondakin gutxiago sortu, berrerabili eta birziklatu.

“Sistema bat iraunkorra izan dadin, besoak behar dira sistemari eusteko.”



2- HONDAKIN GUTXIAGO SORTU: EROSKETA EKOLOGIKOA

EROSKETA IRAUNKORRA

Etxeko hondakinak murrizteko ez dago hondakin gutxiago sortzea baino gauza hoberik. Nola lor dezakegu hori? Erosketak egiteko ohitura iraunkorrak izanda.

Erosketak egin behar dituzunean, kontuan izan itzazu aholku ximple hauek, eta hondakin gutxiago sortuko duzu:

1. Egin ezazu zerrenda bat, eta bertan jartzen duena besterik ez erosi.
2. Eraman itzazu oihalezko poltsak edo erosketatarako orgatxoa, ez eskatu plastikozko poltsarik.
3. Eros itzazu sasoian sasoiko produktuak, ahalik eta estalgarri gutxien dutenak.
4. Eros itzazu formatu handiko produktuak, produktu kontzentratuak eta solteko salgaiak.
5. Eros itzazu iraupen luzeko produktuak, ez behin bakarrik erabiltzekoak.
6. Ez erosi estalgarri gehiegi duten produkturik.

“Akaso, zuk behin bakarrik erabiltzeko produktuak erosi ahal izango dituzu, baina gure planetak, ez.”




3- BERRERABILI

GARBIGUNEA (2010eko abendua)

Hemendik gutxira GARBIGUNE bat izango dugu Elgoibarren, Arriaga industrialdean. Bertan, etxean sortzen diren hondakin guztiak utzi ahal izango dira, eta langile autonomoek eta profesionalek sortzen dituzten hondakin asko eta asko ere bai.

Gune honen xedea da kontrolatu gabeko hondakinen isurketa murriztea. Gainera, Garbiguneari esker, erraz birzikla daitezkeen hondakinak hobeto aprobetxatu eta gehiago baloratuko dira. Hortaz, energia aurrezteaz gain, hondakinen bolumena nabarmen gutxituko da.

“Zure traste zaharrak erabiltzeko gauza ez bazara, natura ere ez.”



4- BIRZIKLATU

ERABILITAKO OLIOA BOTATZEKO EDUKINONTZIAK (2010eko otsaila)

Hondakin hau harraskatik behera botatzen badugu, kalte handia egingo diogu araztegiari, eta ibaia kutsatuko dugu.

Aski da sukaldeko olioak plastikozko ontzi batean gorde eta tapoia ixtea. Behin ontzia bete ondoren, jarri berri ditugun 10 edukinontzi laranjetariko batean utzi beharko da. Olio hori BODIESELA egiteko erabiliko da.

Olioak birziklatzeko ohitura hartzen joan gaituzten, Elgoibarren dauden merkatarien elkarte biek 2.000 onil berezi salduko dituzte, euro batean, olioak plastikozko ontzietara botatzeko.

“Birziklapenak onura handia dakarkigu guztioi. Ez dezagun, bada, zakarrontzira bota.”



EDUKINONTZI HORIAK (ONTZIAK)

Zer bota daiteke?

Plastikozko botilak eta ontziak (garbiak), lata, brick-ak, aluminiozko eta poliespamezko ontziak, sareko poltsak, plastikozko poltsak...

Zer ezin da bota?

sukaldeko tresnak, gomazko eskularruak, CDak, biberoiak, pixoihalak, jostailuak, hondakin arriskutsuak (pintura, e.a.)

EDUKINONTZI URDINA (PAPERA)

Zer bota daiteke?

egunkariak, aldizkariak, paperezko poltsak, kartoizko kutxak...

Zer ezin da bota?

tetra-brickak

EDUKINONTZI BERDEA (BEIRA)

Zer bota daiteke?

botilak, ontziak eta kristalezko flaskoak (hutsak, garbiak eta estalkirik gabe).

Zer ezin da bota?

kristalezko edalontzi edo kopak, portzelana, bonbillak, ispiluak



5- EGIN EZAZU KONPOSTA

BIOKONPOSTA (2010eko azaroa)

ELGOIBAR BERDEA programaren baitan biokonposta egiteko programa pilotua jarriko da abian. Gutxi gorabehera, biztanleen %10ek programa horrekin bat egin ahal izango du.

Lehendabiziko fasean, boluntarioak lortzeko ahalegina egingo da. Boluntarioei poltsa biodegradagarriak emango zaizkie hondakinak jasotzeko. Kanean jarriko diren edukinontziak erabiltzeko giltza ere emango zaie.

Programan jasotakoaren arabera, edukinontzietan lagatako hondakinak bildu eta konpost bihurtuko dira. Gainera, Udalak konpost hori berrerabiltzeko konpromisoa hartuko du.

LORTU EZAZU ORAIN ZURE KONPOSTAGAILUA:
Etxean lorategia edo baratzea baldin baduzu, eta etxeko hondakinak gutxitu, eta bide batez, ongarrri bikain bat eskuratu nahi baldin baduzu...eman ezazu zure izena
Udalan: telf: 943.744384 edota
ingurumena@elgoibar.net

“Ezin baduzu
zuhaitz bat landatu,
gutxienez,
ongarritu ezazu
lurra.”




6- ENERGIA GARBIA, EGUZKIA ENERGIA, BULTZA EZAZU

PLAKA FOTOBOLTAIKOAK (2010eko uztaila)
Gipuzkoako Foru Aldundiak sustatutako proiektu pilotu honi esker, plaka fotoboltaikoak instalatuko dira Elgoibarko Udalaren egoitzetan.

Berrikuntza gisa, proiektu pilotu honen baitan, herritarrek plaken akzioak erosteko aukera izango dute, eta horrela, plaken jabe bihurtuko dira. Ondorioz, inbertsiogileek, energia sortzeagatiko mozkinak eskuratzeaz gain, plakak erosteak dakartzan onura fiskalak aprobetxatu ahal izango dituzte.

Proiektu pilotu honi esker frogatu nahi da eguzkia energia baliabide energetiko egokia, eta aldi berean, inbertsio bideragarria dela.

“Eguzkia gure energia iturri nagusia baldin bada, zergatik utzi behar dugu beti azken tokian?”




7- BULTZA EZAZU ERAGINKORTASUN ENERGETIKOA

100 BASERRITAN ENERGIA ERAGINKOR ETA BERRIZTAGARRIAK INSTALATZEKO AZTERKETA (2010eko martxoa/ekainak)

Baserri auzoetan energia berriztagarrien erabilera sustatzeko hainbat azterketa egingo ditu Udalak; izan ere, energia berriztagarrien abantailak, dirua aurreratzeko aukerak eta energiaren eraginkortasuna bultzatu nahi ditu Udalak. Beraz, azterketa horiei esker jakin ahal izango dugu energia berriztagarriak instalatzeko zein aukera dagoen Elgoibarko 100 baserritan.

Horrelako azterketei esker, eraikinen beharrian termiko eta elektrikoei buruzko kalkuluak egingo dira, eta irtenbide egokienak proposatuko dira beharrian horiek asetzeko.

Azterketa egin ostean, txosten orokor bat egingo da. Horri esker jakin ahal izango dugu, energia berriztagarriak instalatuz gero, zenbat energia aurreztuko den eta zenbat gutxituko den eguratsera isurtzen dugun CO₂a.




“Etorkizuneko energia iturriez baliatu nahi baduzu, has zaitez iraganeko baliabide naturalak zaintzen.”

8- EKONOMIA IRAUNKORRA BULTZA EZAZU

IBILGAILU ELEKTRIKOAK (2010eko iraila)
ELGOIBAR BERDEA proiektuan jasotzen diren ekintza berritzaileen artean aipatzekoa da, Elgoibarren eta Eibarren, ibilgailu elektrikoak alokatzeko proiektu pilotua abian jarriko dela.

Herritarrek orduka alokatu ahal izango dituzte ibilgailu elektrikoak herrian bertan, edo inguruetan, joan-etorri laburrak egiteko; betiere, ibilgailu bakoitzaren autonomia eta argindarra kargatzeko estazioak non kokatzen diren kontuan hartuta.

An illustration of a road with three cars and trees. At the top, a blue cloud with a smiling face is positioned above a white speech bubble. The road has white dashed lines. On the left, a blue car is driving away. In the center, a pink car is driving towards the viewer. On the right, a blue car with a rusted texture is driving away. Two green trees are on the right side of the road, and a grey tree trunk is on the right side of the pink car.

“Kosturik gabeko erregaia nahi dugu zuretzat eta naturarentzat.”

9- KONTZIENTZIA EKOLOGIKOA

ELGOIBAR BERDEAREN bitartez zabalduko diren birziklapen ohitura berriei esker, herritarrak formatu, hezi eta kontzientziatu egingo dira. Horretarako, kontzientzia ekologikoaren inguruko ekintzak antolatuko dira ikasle zein pertsona helduentzat.

BERRERABILERA TAILERRAK (2010eko otsaila) : Gaztelekuan, kartoizko altzariak eta imitaziozko bitxiak egingo dira berrerabilitako gauzekin.

IKASGELA EKOLOGIKOA

1. fasea (2010eko maiatza) . Hilabete batez, Ikastolan eta Institutuan diharduten 12 urteko eskola-umeek etxeetan sortzen dituzten hondakinak pisatuko dituzte.

2. fasea (2010eko urria) : Ikasle horiei etxeko hondakinak berrerabiltzen eta birziklatzen irakatsiko zaie; horretaz gain, kit berezi bat emango zaie, etxeko hondakinak banatuta jasotzeko. Hondakinak berriro ere pisatuko dira, azterketa konparatiboa egiteko.

Udalak, merkatarien elkartearen laguntzarekin, herritarren esku jarriko du hondakinak bereizteko kit-a oso prezio egokian (2 ¤).

“Zer da iraunkortasuna? Seme-alabak eta euren etorkizuna aintzat hartzea.”



10. MUGI ZAITEZ OINEZ

ESKOLARA OINEZ NOA PROIEKTUA: OIN-ALAI (2010eko ekaina)

Gaur egun, Elgoibarko Udalak, Herri Eskola eta Ikastolarekin elkarlanean, “eskolara oinez noa” izeneko proiektua jarri nahi du abian. Ekimena 3 eta 10 urte bitarteko haurrei zuzenduta dago. Proiektuaren xedea, bestalde, ondorengo izango da: haurrak eskolara oinez eta euren kabuz joan daitezela.

OIN-ALAI proiektuak eskolako autobusaren antzera funtzionatuko du. Ibilbide, ordutegi eta geltoki jakin batzuk izango ditu; baina haurrak oinez joango dira eskolara. Segurtasuna bermatze aldera, hurrek, helduen eta Udaltzainen laguntza izango dute beti.

Proiektu honen bidez, mugikortasun iraunkorra sustatu ez ezik, ikasleen, gurasoen, aiton-amonen eta zaintzaileen arteko harremanak ere sendotu egingo dira.

Proiektua ekainean jarriko da abian. Oporren ostean, irailean, berriro ere ekingo zaio proiektuari, eta ikasturte osoan zehar martxan egongo da.

“Eskolara,
kerik gabe”

